

SPORTSKO RIBOLOVNI SAVEZ  
BOSNE I HERCEGOVINE  
Ulica, Ive Andrića 4.  
71123 ISTOČNO SARAJEVO  
E-mail: srsbihk@gmail.com



СПОРТСКО РИБОЛОВНИ САВЕЗ  
БОСНЕ И ХЕРЦЕГОВИНЕ  
Улица, Иве Андрића 4.  
71123 ИСТОЧНО САРАЈЕВО  
E-mail: srsbihk@gmail.com

Tel: 00387 61 217 870 ,Tel/ Fax: ++387 33 485-719  
Ž.R. 1610000012560056 Raiffeisen bank BiH  
ID=4200830340002

Sarajevo, februar 2019.godine

Temeljem Člana 4.3.4. Statuta, Sportsko ribolovnog Saveza Bosne i Hercegovine, te izmjena pravila od strane FIPSeD Federacije, usvojenih 18/19.11.2016 godine, Upravni Odbor SRS BIH, na sjednici održanoj godine, donosi :

**P R A V I L N I K**  
**u O SISTEMU I ORGANIZACIJI TAKMIČENJA U DISCIPLINI**  
**„LOV GRABLJIVICA UMJETNIM MAMCIMA SA OBALE“**

**U V O D N I D I O**

(1) Ovaj Pravilnik reguliše organizaciju, sistem takmičenja, te pravila discipline: Lov grabljivica umjetnim mamcima sa obale. Puno ime discipline je: Lov grabljivica ( predatora) umjetnim mamcima sa obale, u daljnjem tekstu «takmičenje»

(2) Takmičenje je službena disciplina CIPS-e Konfederacije, odnosno FIPS-ed Federacije za slatkovodni ribolov. Sastavni je dio disciplina koje organizira i provodi SRS BiH.

(3) Ovim Pravilnikom,kao posebnim segmentom su obrađeni:

- Pravila o organizaciji i provođenju takmičenja
- Pribor
- Bodovanje i utvrđivanje rezultata takmičenja
- Organizacija službenih takmičenja i izbor reprezentacije BiH
- Službene osobe na takmičenjima
- Kaznene odredbe
- Prelazne i završne odredbe

**PRAVILA O ORGANIZACIJI I PROVOĐENJU TAKMIČENJA**

**Član 1.**

(1) Takmičenje se može organizovati kao pojedinačno i kao ekipno. Kada se takmičenje organizuje kao ekipno takmičarska staza rijeke dijeli se na sektore, koji moraju biti podjednakog izgleda terena. Broj sektora ovisi o broju takmičara u ekipi. Ako se ekipno takmičenje provodi, npr. tako što ekipu sačinjavaju tri takmičara onda se voda dijeli na tri sektora, ako ekipa broji pet članova postavlja se pet sektora, itd. Svaki sektor, odnosno, ako se takmičenje organizuje kao pojedinačno,dijeli se na startna mjesta.

(2) Minimalna dužina startnog mjesta («takmičarskog boksa») iznosi 20 m. Dubina boksa prema obali slobodne je veličine. Granicu čine prirodne prepreke, te pojas do kojeg se smiju približavati gledaoci, novinari i ostali posjetioци.

(3) Broj startnih mjesta je duplo veći od broja takmičara. U primjeru kada se takmiči 11 takmičara, sektor, odnosno zona takmičenja, podijeljena je na 22 startna mjesta. Sektori i startna mjesta se postavljaju, u ovom slučaju od broja 1. do broja 22, uzvodno, i ako se radi o pojedinačnom ili ekipnom takmičenju.

(4) U slučaju većeg broja takmičara od propisanog minimalnog broja u Premijer ligi, pojedinačno takmičenje se može održati u dva sektora, a odluku prije početka takmičenja donose Komesar i selektor te istu objavljuju na WEB stranici, 15 dana prije početka takmičenja.

(5) Ukoliko se takmičari dogovore da sami finansiraju dodatno kolo ili više njih, sredstva moraju biti uplaćena na žiro račun SRSBIH najkasnije 7 dana do početka drugog redovnog kola tekuće takmičarske sezone. Ista će biti prebaćena domaćinu-organizatoru takmičenja najkasnije 5 dana prije dana takmičenja.

## Član 2.

(1) Prijavljeni takmičari moraju se pojaviti na zbornom mjestu, odnosno zoni takmičenja, najkasnije 30 minuta prije početka takmičenja. Unutar tog vremena vrši se izvlačenje redoslijeda izlaženja na stazu, te obilazak cijele takmičarske staze i proučavanje pozicija u trajanju do 30 minuta.

## Član 3.

(1) U slučaju, kada se pojedinačno takmičenje provodi u dva sektora, tada dirigitano reprezentativci BiH izvlače sektore, samo na prvom kolu lige, da se ne nađu u istom sektoru, na način, da u A sektoru bude veći broj ako je isti neparan  $/3+2=5/$ . Nakon toga ostali po redoslijedu izvlačenja izvlače sektor, a nakon toga za svaki sektor se izvlači redoslijed izlaska.

## Član 4.

(1) U slučaju ekipnog takmičenja, predstavnici ekipa 60 minuta prije takmičenja izvlače za svoje takmičarske sektore u kojima se takmičari takmiče. Po izvlačenju sektora takmičari odlaze svaki u svoj sektor. U slučaju pojedinačnog takmičenja, takmičari se okupljaju na zbornom mjestu odakle odlaze u bazu sektora odnosno takmičarske staze.

## PROCES ODVIJANJA TAKMIČENJA

## Član 5.

(1) Prvi signal označava početak pregleda staze i startnih mjesta, koje obilaze takmičari i trener ili kapiten ekipe.

(2) Drugi signal označava kraj pregleda staze i startnih mjesta, gdje su takmičari dužni da se u bazu sektora ili staze vrate u roku od 15 minuta.

(3) Nakon obilaska i pregleda staze i startnih mjesta glavni (sektorski) sudija u bazi sektora proziva takmičare, koji po već izvučenom redoslijedu izvlačenja, «iz šešira» izvlače svoj

redosljed izlaženja na stazu po sistemu grila, tabele, koji je načinjen već prije od strane Komesara lige.

(4) Treći signal je početak takmičenja koje traje četiri sata, a podijeljeno je u četiri runde po 45 minuta, sa pauzama od 10 minuta između rundi. Početak svake runde (kruga) kao i njen kraj označava glavni sudija na jasan i svima dostupan način.

(5) Plasman se utvrđuje za svaku rundu posebno prema zbroju ulovljenih riba, dok se za konačni plasman, kola, zbrajaju plasmani skupljeni u svim rundama (krugovima).

#### Član 6.

(1) Takmičari takmičenje počinju po sistemu, da po određenom redosljedu izlaženja na stazu, koji su prethodno izvukli, odlaze do željenog startnog boksa, te čekaju početak takmičenja u odabranom startnom boks, a poslije znaka za početka takmičenja slobodno se mogu kretati ulazeći iz boksa u boks, pri tom u jednom boks može biti najviše jedan takmičar.

(2) Kada jedan od takmičara krene u odabir startnog boksa, slijedeći po redosljedu kreće 30 sekundi nakon njega. U toku odabira boxa nema pretrčavanja takmičara koji je izašao prije dok isti ne stane u jedan od slobodnih boxova. Svaki takmičar ima svog startnog sudiju koji ga prati i bilježi svaki njegov ulov, te zajedno sa njim odlazi na stazu i vraća se u centralni boks nakon svake runde.

#### Član 7.

(1) Takmičari počinju takmičenje na odabranom startnom mjestu. U slučaju kada dva takmičara istovremeno uđu u slobodan boks, prednost ulaska ima takmičar koji se kreće iz boksa koji ima manji broj.

(2) Svaki takmičar ima svog startnog sudiju koji ga prati i bilježi svaki njegov ulov, te mu za svaki ispravni ulov dodjeljuje kupon kojim takmičar kasnije potvrđuje ostvareni ulov.

#### Član 8.

(1) U slučaju neslaganja broja upisanih riba na startnoj listi startnog sudije i broja izdanih kupona takmičaru, sudiji će biti izrečena usmena opomena, a takmičaru se priznaje manji broj upisanih ili prema broju izdanih kupona, manji broj ulovljenih riba.

#### Član 9.

(1) Na takmičenju se boduje ulov svih grabežljivih vrsta koje obitavaju u vodi na kojoj se lovi, obavlja takmičenje, a uz prethodno definiranje od strane takmičarske komisije i korisnika ribolovnog prava.

#### Član 10.

(1) Takmičar je dužan ulov prihvatiti meredovom (sak), pokazati tako ulovljenu ribu sudiji i tek po odobravanju od strane sudije, ribu pažljivo u meredovu osloboditi udice i u meredovu vratiti je u vodu.

(2) U vremenu kad se riba oslobađa udice takmičar ne smije spustiti meredov sa ribom u njemu na tlo.

(3) Riba se može osloboditi udice rukom ili odgovarajućim kliještima.

(4) Sudija bilježi ulov i predaje takmičaru kupon.

(5) Zbog nepropisnog načina prihvatanja ili ulova isti se neće priznati:

- ako je riba navučena na obalu ili izvučena na obalu, padne na tlo
- ako je riba prihvaćena u vodi rukom
- ako je riba prihvaćena «na prsa»
- ako je riba ulovljena u meredov «u zraku» nad obalom
- ako takmičar zakači i ulovi ribu van svog ribolovnog boksa ili sektora
- ako takmičar pokuša ribu osloboditi udice koju je prihvatio u podmetač prije nego ulov pokaže sudiji.

(6) Takmičar mora sam izvući ribu i uvući je u meredov. Nitko mu pri tom ne smije pomagati sa strane. U protivnom se ulov neće priznati.

(7) Ako riba koju takmičar predaje sudiji na uvid, iz meredova padne na tlo ili u vodu ona se neće priznati kao ostvaren ulov.

(8) Ako je riba ulovljena regularno za usta i ne može se osloboditi mamca, a da se ne ošteti, što je procjena sudije, struna mora biti prerezana, a riba puštena u vodu zajedno sa mamcem. Takav ulov se priznaje.

(9) Da bi se ulov smatrao važećim potrebno je meredov sa ulovom izvaditi iz vode prije sudijskog znaka za kraj, odnosno, ulov mora biti u meredovu van vode prije znaka za kraj takmičenja.

(10) U toku takmičenja, takmičar ne smije ulaziti u vodu niti iz vode loviti, ali može koristiti prirodne prepreke koje su u vodi, a voda ne prelazi preko njih, odnosno imaju vezu s obalom. (npr. kamenje uz obalu, debla, korijenje i sl.)

(11) Ukoliko je na određenom dijelu staze konfiguracija obale takva da kvalitetno obavljanje ribolova nije moguće obavljati bez ulaska u vodu, takve lokacije moraju biti označene trakama te se mora znati granica do kuda je dozvoljeno ulaženje u vodu. (takve lokacije definirane su od strane glavnog sudije)

(12) U toku takmičenja je zabranjeno koristiti telefon i druga sredstva za komunikaciju.

(13) Zabranjena je bilo kakva vrsta kontakta takmičara sa licima koja nisu takmičari ili službene osobe takmičenja za vrijeme aktivnog trajanja takmičenja dok je takmičar u nekoj od startnih pozicija.

(14) Takmičar može angažovati osobu koja će nadgledati takmičenje ili određenog takmičara poštujući pravilnik. Osim video zapisa, sve njegove informacije koje daje se ne priznaju i nisu relevantne. Zabranjena mu je bilo kakva vrsta komunikacije sa bilo kojim učesnikom takmičenja. U protivnom biće odstranjen sa istog od strane organizatora takmičenja.

(15) Meredov (sak) za prihvatanje ribe mora biti u svakom trenutku dok je takmičenje u toku cijelom svojom dužinom izvan vode, osim kada takmičar prihvata ili vraća ribu.

(16) Mamac se smatra neispravnim ukoliko na sebi ima povratnu kuku ili ukoliko ima više od 2 jednokuke ili trokuke.

(17) Takmičaru nije dozvoljeno loviti izvan granica boksa u kojem boravi.

(18) Takmičaru nije dozvoljeno loviti izvan sektora.

(19) Ako ima takmičar ili više njih, koji je predstavnik domaćina (organizatora) može imati svog startnog sudiju tokom cijelog takmičenja kojeg mora odobriti Glavni sudija.

## P R I B O R

### Član 11.

(1) Takmičenje se odvija priborom, kojeg čine:

- štap po slobodnom izboru, najveće dužine do 2,75 m (9 fita)
- mašinica (rola) po slobodnom izboru (stacionirana ili multirola)
- najlon ili upredena struna po slobodnom izboru
- meredov (sak).

(2) Svaki takmičar može imati rezervni pribor (štap, mašinica, meredov), ali on mora u toku takmičenja biti u centralnom boksu. Takmičar u vrijeme lova može sa sobom imati jedan štap, jedan meredov, te torbu, prsluk ili tašnu sa mamcima.

(3) U vrijeme takmičenja, takmičar koji iz određenog razloga mora zamijeniti pribor kojim lovi, ne smije u toku započete runde, uzeti tuđi pribor (štap, rola, podmetač) niti smije mijenjati štap osim u slučaju loma istog. U slučaju da se to desi u njegov box dok vrši zamjenu može ući bilo koji takmičar.

(4) Takmičari ne smiju koristiti vanjsku pomoć. Bilo koja vrsta opreme da im se donese i takmičar je preuzme, rezultira isključenjem istog sa takmičenja.

(5) Rukovanje silkom dozvoljeno je isključivo sa štapom i mašinom sa tim da za vrijeme lova, ruke moraju biti na navedenom priboru.

### Član 12.

(1) Na takmičenju dozvoljeni mamci su: metalni, imitacije ribe od drveta i plastike te silikonski mamci, po slobodnom izboru.

(2) Udica mora biti «gola», a iznimka su plastične perlice na varalici i plastični bužiri na udici, koji su fabrička postavka.

(3) U smislu otežavanja silikonske varalice može se koristiti isključivo jig udica, na kojoj je otežanje fiksirano na udicu, ili udica koja ima fleksibilno otežanje. Mamac ne smije biti fixan na udici tj njegovo skidanje ne smije biti onemogućeno ljepljivom i sličnim materijama. Dozvoljeni načini postavljanja i izgleda mamca sa otežanjem su prikazani na slici.



(4) Nije dozvoljeno korištenje dodatnog otežanja na struni (silku) ili korištenje bilo kakvog signalizatora griza. Struna (silk) mora biti gola.

(5) Startni sudija je dužan provjeriti ispravnost udica na varalici i da li je riba zakačena u skladu sa pravilnikom. Poslije svake ulovljene ribe, a ako mamac nije ispravan ulov se ne boduje. Ako takmičar lovi na isti mamac, ako ga ne mijenja, i na njega stalno lovi ribe, ne treba nakon svake ulovljene ribe provjeravati mamac, jer tada ometa takmičara i oduzima mu vrijeme lova.

#### Član 13.

(1) Organizator je dužan po takmičaru prije takmičenja poribiti takmičarsku vodu sa 5 do 7 komada ribe po jednom boks.

### BODOVANJE I UTVRĐIVANJE REZULTATA TAKMIČENJA

#### Član 14.

(1) Svaka ulovljena riba predstavlja jedan bod. Riba se priznaje samo ako joj je udica zakačena za usta ili između usta i grudnog peraja ili između usta i njenih škriga. Svako drugo kačenje se ne priznaje tj. rezultira nepriznavanjem ulova.

(2) Radi lakšeg praćenja takmičenja nakon svake runde, a prije nego što počne nova runda u centralnom boks glavni sudija na tablu upisuje koliko je koji takmičar ulovio riba u završenoj rundi.

(3) Pojedinačni plasman takmičenja (kolo lige) utvrđuje se prema broju osvojenih negativnih bodova u svakoj rundi. Što je veći broj ulovljenih komada predstavlja bolji plasman u rundi tj manji broj negativnih bodova. Plasmani predstavljaju bodove svakog takmičara. Na primjer. 1.mjesto, 2.mjesto, 3. mjesto... znači osvojen 1, 2, 3... boda.

Svaka runda (krug) boduje se za sebe na način da se određuje plasman u svakoj rundi na temelju kojeg takmičari ostvaruju bodove.

(4) Ukoliko dva ili više takmičara imaju isti broj ulovljenih riba, njihov broj bodova utvrđuje se dijeljenjem plasmana. Na primjer: prvoplasirani takmičar ulovio je 6 riba, drugoplasirani 5 zatim sljedeća tri takmičara ulovila su po 3 ribe. Njihov plasman utvrđuje se dijeljenjem plasmana. To su ribolovci od 3. do 5. mjesta. Tada se njihov broj bodova utvrđuje:

$3+4+5=12$ ,  $12:3=4$  ili  $3+5=8$ ,  $8:2=4$ . Svaki od takmičara ima po 4 boda.

(5) Nakon četiri završene runde, poredak kola se utvrđuje zbrajanjem osvojenih negativnih bodova po svakoj rundi kola. Najbolji je sa najmanje negativnih bodova i tako redom.

(6) Na kraju svih kola lige, generalni poredak se utvrđuje zbrajanjem osvojenih plasmanskih mjesta po pojedinim kolima lige. Npr. ako je u prva 3 kola takmičar bio svaki put 3-ći ima ukupno 9 bodova i u skladu sa istim, dobija određeno mjesto na tabeli. Ako 2 i više takmičara imaju isti broj plasmanskih bodova, poredak se utvrđuje ukupnim brojem negativnih bodova svih kola i rundi u toku trajanja lige. Ako se i tu desi isti broj bodova, bolji plasman zauzima takmičar sa većim brojem ulovljenih riba u toku trajanja lige.

(7) U situaciji kada dva ili više takmičara imaju isti broj bodova nakon održanog kola prednost u plasmanu na tablici ima onaj koji je tokom svih kola (rundi) lige ulovio više komada riba.

(8) U situacijama kada dva ili više takmičara imaju i isti broj bodova i isti broj ulovljenih komada riba gleda se ko je imao više ulova u posljednjoj rundi. U koliko je i nakon toga rezultat izjednačen, takmičari će biti rangirani na osnovu najmanjeg broja kaznenih bodova u jednoj od 4 takmičarske sesije(rundi).

(9) U istoj situaciji ( tačka 8) na društvenim, KUP, ili drugim takmičenjima, Glavni sudija primjenjuje isti postupak, da bi se dobio pobjednik takmičenja.

(10) U ekipnom plasmanu za poredak ekipa odlučujući je zbroj sektorskih plasmanskih bodova po rundama takmičarske ekipe. Primjer: ako u ekipi lovi 5 takmičara, zbrajaju se njihovi ostvareni plasmanski bodovi toga dana, i zbrajaju sa bodovima drugog dana. Poredak se utvrđuje prema što manjem zbiru sektorskih bodova.

(11) Da bi svakom takmičaru, u Premijer Spin ligi BiH, bili priznati i verificirani postignuti rezultati, on može opravdano izostati samo jedno kolo lige.

(12) Svaki neopravdani nedolazak takmičara na kolo lige ili akumulirana dva žuta kartona, dodjeljuje se maksimalan broj negativnih bodova, u tom kolu, plus 1 bod više.

(13.) U slučaju da diskvalifikacija takmičara uslijedi nakon završetka takmičenja, obračuna plasmana, sljedeći plasirani takmičari zadržavaju svoj plasman. (primjer X plasiran na 8 mjestu je diskvalificiran, sljedeći plasirani takmičar zadržava svoj plasman i dobiva 9 poena, sljedeći 10 poena itd.

(14) Takmičari koji nisu imali nikakvog ulova će dobiti kaznene bodove jednake prosječnom broju ne-propisanih kaznenih bodova za istu takmičarsku sesiju (period). Primjer: 13 takmičara, 8 ih je rangirano od 1-8 mjesta sa kaznenim bodovima u rasponu od 1-8. Sljedećim takmičarima treba pisati  $(9+13)/2=11$  kaznenih bodova.

Ukoliko postoji samo jedan takmičar koji nije uhvatio niti jednu ribu ili jedan ili više odsutnih takmičara, dobit će onoliko kaznenih bodova koliko je jednako broju posljednjeg mjesta. Primjer: 13 takmičara od kojih 12 ima ulovljenu ribu dok jedan nema. Takmičar bez ulova će dobiti maksimalnih 13 kaznenih bodova.

(15) Takmičar koji se ne pojavi na takmičenju dobija broj kaznenih bodova koliko ima prisutnih takmičara +1 kazneni bod. Primjer: 16 takmičara je učestvovalo, a takmičar koji nije

došao ili je odustao dobija 16+1 kazneni bod i žuti karton.

## ORGANIZACIJA SLUŽBENIH TAKMIČENJA I IZBOR REPREZENTACIJE BOSNE I HERCEGOVINE

### Član 15.

(1) Formira se Premijer SPIN Liga Bosne i Hercegovine u ribolovu grabljivica umjetnim mamcima s obale. Da bi se formirala SPIN liga BiH za tekuću godinu, mora se ispuniti uslov da u istoj mora biti najmanje 14 takmičara iz bar 2 entitetska Saveza. U protivnom liga se pretvara u „Otvoreno prvenstvo BiH“ za tekuću godinu sa maksimalno od 2 kola, iz kojih će se odabrati pobjednici za tekuću godinu i definirati reprezentacija BiH. Iz Lige na kraju takmičarske godine ispadaju zadnja 4 takmičara po plasmanu u toj takmičarskoj godini i u narednoj godini nemaju pravo nastupa u Premijer SPIN ligi BiH, osim ako ga ostvare plasmanom kroz entitetska natjecanja.

Premijer spin liga može imati najviše 20 takmičara (Izuzetno uz odobravanje TK SRSBIH može ih biti i više ako postoje tehnički uslovi za provođenje takmičenja), dok se ne ispune uslovi veličine staza, i u tom slučaju, iz lige ispada 6 / šest / takmičara, koji se plasmanom u entitetskoj ligi ili organiziranim kvalifikacijskim kolom, mogu vratiti u sistem takmičenja Premijer spin lige BiH. Organiziranje kvalifikacijskog takmičenja obaveza je komesara spin lige BiH.

(2) Tokom godine mogu se organizirati pojedinačna i ekipna takmičenja u ovoj disciplini na nivou entitetskih saveza, a dva prvoplasirana takmičara iz Entitetskih liga popunjavaju Premijer SPIN ligu BiH.

(3) Premijer SPIN Liga Bosne i Hercegovine, organizira se kao pojedinačna liga od najmanje tri prvenstvena kola, ako su ispunjeni uslovi iz člana 14, a koja se moraju održati u tekućoj godini, da bi reprezentacija BiH sljedeće godine predstavljala BiH na međunarodnim i Svjetskim takmičenjima.

(4) Najbolje plasirani takmičari Premijer SPIN Lige BiH, stiču pravo nastupa u sastavu reprezentacije Bosne i Hercegovine na svjetskim prvenstvima i međunarodnim takmičenjima pod pokroviteljstvom FIPS-ed organizacije.

(5) Brigu o organizaciji, broju kola, domaćinima takmičenjima, te provođenju takmičenja vodi Komesar Premijer SPIN lige BiH, i takmičarska komisija SRS BIH.

### Član 16.

(1) Komesara Lige imenuje UO SRS BIH, temeljem objavljenog konkursa, a sve najkasnije do 1. marta kalendarske godine. Komesar lige može biti samo certificirani državni-savezni sudija, a u iznimnim slučajevima reprezentativac BiH u ovoj disciplini.

(2) Obaveze Komesara Premijer SPIN Lige su, da radi na popularizaciji ove discipline, na edukaciji takmičara i sudija, te je dužan da pred trećim licima štiti ugled i dignitet SRSBIH.

(3) Za Premijer SPIN Ligu se takmičari prijavljuju putem redovnog raspisa prijave od strane SRS BIH-e. Prijavom i uplatom kotizacije, te dobivenim Pravilnikom, prihvataju sve propise i uslove regulisane ovim Pravilnikom.

(4) Do tada, Stav 3. se uplaćuje i startna kotizacija koja mora pokriti sve troškove prvenstva (trošak domaćinu za poribljavanje po takmičaru, odnosno dnevnu dozvolu,), odnosno, kako je to definisano odlukom Upravnog odbora za tekuću godinu.



(5) Kotizacija se uplaćuje na žiro račun SRSBIH najkasnije do 01.03. tekuće godine te se usmjerava za provođenje takmičenja. Kod odustajanja od takmičenja, kotizacija se ne vraća. U SRS BiH će se voditi i iskazivati analitika troškova posebno za SPIN takmičenja.

(6) Visinu kotizacije, ko je i kako plaća, na koji način utvrđuje UO SRS BIH na temelju prijedloga Komesara Premijer SPIN i Takmičarske komisije SRS BiH.

(7) U slučaju da ostane iz ovog izvora nepotrošenog novca na računu SRS BIH, on se upotrebljava za pomoć Spin reprezentaciji za nastup na međunarodnim takmičenjima i svjetskom prvenstvu.

(8) Kada se steknu uslovi, oficijalna takmičenja u ovoj disciplini se mogu organizirati kao:

- Društvena takmičenja
- Regionalna takmičenja
- Entitetska takmičenja
- Državna takmičenja-Liga
- Otvoreno prvenstvo BiH
- KUP SRS BiH

#### Član 17.

(1) 3 prvoplasirana takmičara iz Premijer SPIN lige BiH, ulaze u izbor za sastav reprezentacije Bosne i Hercegovine za nastup na međunarodnim takmičenjima pod pokroviteljstvom FIPSED asocijacije. Ostale članove reprezentacije bira selektor sa tim da isti su morali biti učesnici cjelokupnog takmičenja tekuće sezone iz koje se formira reprezentacija za narednu godinu.

Optimalni broj članova reprezentacije za međunarodne nastupe je osam (8), a čine ga selektor, komesar i takmičari iz sastava takmičenja koji su lovili ligu u konkurenciji po izboru selektora. Reprezentacija može biti i brojnija ako postoje sredstva za finansiranje.

(2) U slučaju nemogućnosti nastupa, iz bilo kojeg razloga za Spin reprezentaciju BiH nekog od plasiranih reprezentativaca, selektor ima pravo uzeti zamjenu iz sastava takmičara koji su lovili ligu.

(3) Svaki član reprezentacije BiH, u godini nastupa reprezentacije na međunarodnim takmičenjima, mora se te sezone takmičiti i biti takmičar na svim kolima u Premijer spin ligi BiH, u protivnom ne može biti član reprezentacije.

(4) Za izbor reprezentativaca za nastup, i rad s reprezentacijom, u konačnici, odgovornost snose imenovani selektor i imenovani trener reprezentacije.

#### Član 18.

(1) Komesar Premijer SPIN lige, utvrđuje kalendar prvenstva, mjesta održavanja prvenstva, kola spin lige, vodi brigu o provođenju takmičenja, a potvrđuje ga Takmičarska komisija i UO SRS BIH.

## SLUŽBENE OSOBE NA TAKMIČENJU

### Član 19.

(1) Ostali organi takmičenja se organizuju, kako je to propisano Pravilnikom za ovu disciplinu, a odnose se na formiranje, prije i u toku takmičenja: Sudijskog kolegija, Žirija takmičenja, Forum lige.

(2) Forum lige je savjetodavno tijelo koje biraju članovi lige, sastavljeno od Komesara lige, selektora i nekoliko takmičara, koje u ime Spin lige daje prijedloge za što bolje provođenje takmičenja i nastupa reprezentacije na međunarodnim takmičenjima, te može podržati i dati prijedlog i mišljenje oko imenovanja komesara lige, selektora i menadžera.

### Član 20.

(1) Službene osobe na takmičenju imenuje Takmičarske komisija SRSBIH uz puno poštovanje sudijskog ranga i iskazanog kvaliteta su:

- Delegat u ime SRS BIH
- Glavni sudija,imenuje TK SRS BIH,
- Komesar Spin lige
- Sektorske sudije
- Startne sudije/postavlja domaćin zavisno od broja takmičara/

### Član 21.

(1) Sudijski kolegij čine:

- Glavni sudija
- Komesar Spin lige
- Sektorski sudija,dvojica imenovana žrijebom
- Startni sudija 1

### Član 22.

(1) Žiri takmičenja čine:

- Delegat takmičenja
- Glavni sudija
- Komesar Spin lige
- Sektorski sudija trećeg sektora(ili izvučen žrijebom,u ligi)
- takmičar sa startnim izlaskom broj 5.

(2) Prigovor žiriju se najavljuje 15 minuta nakon proglašenja rezultata,a pismena reklamacija se dostavlja za narednih 15 minuta uz uplatu 50 KM kaucije kod Sekretara takmičenja,koja će biti vraćena ako se utvrdi da je prigovor bio opravdan, a u protivnom, kaucija se uplaćuje u blagajnu SRS BIH.

(3) U slučaju da je takmičar ili vođa ekipe nezadovoljan Odlukom žirija takmičenja na uloženu žalbu nakon takmičenja i proglašenja rezultata, mogu uložiti žalbu Takmičarskoj komisiji SRS BIH i tražiti od Delegata takmičenja da isti evidentira žalbu u svom Izvještaju, a „oštećeni“ takmičar ili ekipa mora žalbu sa detaljnim obrazloženjem poslati pismeno ili E-mailom na adresu Takmičarske komisije SRS BiH roku od 3(tri) dana po završenom takmičenju . Takmičarska komisija mora žalbu da razmotri i takmičaru ili ekipi koja se žalila, da odgovori u roku od narednih 7 dana.

(4) U slučaju da i tada takmičar i ekipa budu nezadovoljni Odlukom Takmičarske komisije imaju pravo da izjave žalbu Upravnom odboru SRS BiH kao drugostepenom organu u postupku rješavanje žalbi i primjedbi na takmičenje, plasmane, regularnost takmičenja i povrede ovog Pravilnika. Odluka Upravnog odbora je konačna i na nju nema pravo žalbi.

(5) Odluku o prekidu takmičenja zbog vremenskih ili drugih uslova koji nisu ispunjeni da se takmičenje održi donosi Delegat takmičenja uz saglasnost Glavnog sudije i Komesara lige za što se mora sačiniti Zapisnik, utvrditi razlozi neodržavanja ili prekida takmičenja, dati prijedlog rješenja problema i hitno dostaviti takmičarskoj komisiji SRS BiH koja mora utvrditi sve činjenice, zatražiti eventualno dopune Izvještaja i donijeti konačnu odluku o neodržanom kolu, te isto objaviti na WEB SITE I FB profilu SRS BiH.

(6) U slučaju da se jedno ili dva kola lige ili takmičara otkazu, Komesar lige o tome obavještava Takmičarsku komisiju SRS BiH, pribavlja saglasnost i tome obavještava takmičare putem SMS poruka, e-mailom, informacijama na web stranici SRSBIH ili FB profila spin lige.

(7) Sudijski žiri može skratiti jednu ili više rundi takmičenja zbog nepredviđenih okolnosti (oluja, demonstracije ...), kao što se može prolongirati početak takmičenja ili početak određene runde najviše u trajanju od 1 sata, ali runde ne mogu biti kraće od 15 minuta sa tim da se moraju odloviti najmanje 2. U protivnom takmičenje nije validno.

## OBAVEZE SLUŽBENIH OSOBA NA TAKMIČENJU

### Član 23.

(1) Domaćin takmičenja je obavezan, nakon što je primio službenu obavijest iz kancelarije SRS BiH o domaćinstvu takmičenja ili pojedinog kola lige, da sve svoje obaveze potpisane u Protokolu, koji je napravio sa Komesarom lige, na vrijeme i bez odgode pripremi i izvrši.

(2) Domaćin takmičenja je dužan pratiti sve uslove za takmičenje, te na vrijeme, kod same promjene uslova (poplava, nevrijeme i sl.) obavijestiti Komesara lige, da isti može pravovremeno reagovati prema ostalim učesnicima takmičenja.

### Član 24.

(1) DELEGAT na takmičenju ima obavezu da vrši nadzor nad obavljanjem svih faza takmičenja, sve do proglašenja rezultata i uručivanja priznanja. Predsjedava žirijem takmičenja, a Upravnom Odboru SRS BiH je dužan podnijeti detaljan izvještaj o tome, kako je proteklo takmičenje, uz davanje ocjene Glavnom sudcu za kvalitet obavljenog suđenja.

### Član 25.

(1) GLAVNI SUDIJA je službena osoba koja na takmičenju putem sudijskog tima, organizuje provođenje pravila i uspješno odvijanje takmičenja. Budno prati zbivanja na takmičarskoj stazi i oko nje, intervenira saglasno ukazanoj potrebi, savjetuje sektorske i ostale sudije, rješava eventualne konflikte, te skupa sa sekretarom takmičenja obračunava i ponovo provjerava obračunate rezultate, prije zvaničnog proglašenja istih.

(2) Po završetku takmičenja Glavni sudija proglašava rezultate, a dužan je skupa sa sekretarom takmičenja, Takmičarskoj komisiji SRS BiH podnijeti Izvještaj sa priloženim dnevnikom takmičenja i ocjenama sektorskih sudija, koji prilažu ocjene za startne sudije u

koliko su bili imenovani na takmičenju.

#### Član 26.

(1) SEKRETAR / KOMESAR LIGE, je sudija najviše kategorije, koji se brine o organizaciji administrativnih poslova na takmičenju. Imenuje ga Takmičarska komisija SRS BiH, i mora dobro poznavati pravila i vođenje administracije u kojim poslovima je glavni saradnik Glavnog sudije. Obavezan je prikupljati prijave učesnika, organizirati žrijebanja, izraditi startne liste, upisati takmičare u dnevnik takmičenja, te na kraju njihov ulov i uz pomoć Glavnog sudije obračunati rezultate i plasman učesnika takmičenja. U okviru žirija i sudijskog kolegija, ukoliko su imali sastanak, vodi zapisnik u pismenom obliku, kompletira izvještaj, koji sa Glavnim sudijom dostavlja TK SRS BiH. Sekretar mora nositi vidno istaknutu akreditaciju.

(2) Prije početka takmičenja zajedno sa domaćinom mora sačiniti Protokol o međusobnim obavezama domaćina i SRS BiH, utvrditi satnicu, obilježavanje staze, osiguranje startnih-kontrolnih sudija te oglašavanja u medijima. Dogovara i osiguranje na stazi, prostor za rad sekretera takmičenja, smještaj računara te mjesto proglašenja rezultata. Protokol mora dostaviti Takmičarskoj komisiji, radi upoznavanja UO SRS BiH o obavezama koje je tim Protokolom preuzeo SRS BiH. Satnica se objavljuje na WEB SITE i FB profilu SRS BiH, najmanje 10-15 dana prije početka takmičenja.

#### Član 27.

(1) Sektorski sudija, ako je ekipno takmičenje, ima sve operativne poslove u sektoru, kao Glavni sudija na takmičenju u Članu 23. tačka 1. te usko surađuje u toku takmičenja sa ostalim sektorskim sudijama i Glavnim sudijom.

#### Član 28.

(1) Startni ili kontrolni sudija, mora poznavati pravilnik lige. Odgovara za upisane ribe u Dnevnik ulova po rundama i da svaku ulovljenu ribu najavi najbližem susjednom takmičaru na stazi, da je vidi i po potrebi potvrdi ulov. U slučaju neispravnog mamca, kontra kuka, isti mora uzeti od takmičara i donijeti-predati glavnom sudcu. Uopšte, izriče usmene opomene i nakon runde prijavljuje glavnom sudiji, sa upisom u dnevnik i potpisom takmičara.

(2) Upute startnim sudijama prije početka takmičenja daje Glavni sudija ili Komesar lige - takmičenja.

(3) Startne sudije mogu biti i službene osobe koje provode takmičenje (Glavni sudija, Delegat i Komesar).

#### Član 29.

(1) Kapiten ekipe, u ime iste, ako je ekipno takmičenje, sudjeluje na sastanku kapitena, izvlačenju redosljeda i izlazaka, te sastanku žirija takmičenja ako je razmatranje prigovora za njegovog člana ekipe. Ako je takmičenje pojedinačno, tada, kao i u ekipnom, ima pravo sa takmičarem izaći u pregled staze, a u toku takmičenja, verbalno (savjetima) pomagati sam u centralnom boks. Bilo kakva pomoć u toku takmičenja kao što su dostava ribolovne opreme i pribora, u rundama, podliježe kazni, AUTOMATSKI CRVENI KARTON, i kaznu takmičaru za jedan plasmanski bod više u ukupnom plasmanu tog kola lige.

#### Član 30.

(1) Takmičar, je dužan poznavati sva pravila takmičenja, istih se pridržavati. Nepoznavanje

odredaba ovog Pravilnika ne povlači sankcije za eventualne pogreške.

(2) Takmičar je dužan pridržavati se satnice takmičenja, koju mora dobiti 10 dana prije početka takmičenja od Komesara lige, te u slučaju kašnjenja iz opravdanih razloga, da se javi sms porukom ili e-mailom Komesaru lige.

(3) Takmičari ne smiju biti pod dejstvom alkohola niti konzumirati isti u vrijeme takmičenja.

(4) Takmičari ne smiju biti pod dejstvom opojnih sredstava niti konzumirati ista u vrijeme takmičenja.

## KAZNENE ODREDBE

### Član 31.

(1) USMENOM OPOMENOM, će se kazniti takmičar ako krši odredbe:

- Član 11. stav 5
- Član 14. stav 1

(2) ŽUTIM KARTONOM će se kazniti takmičar ako krši odredbe:

- Član 10. stav 2, 5, 7, 10, 12, 13, 15, 17 i 18.
- Član 12. stav 4

U toku takmičarske sezone, žuti kartoni se akumuliraju, što znači da takmičar, koji dobije drugi žuti karton, slijedeće kolo lige ne lovi, a bodovi mu se obračunavaju po Članu 14. Stav 12.

Primjer: takmičenje se provodi u 5 kola, na prvom i drugom kolu takmičar dobije po jedan žuti karton. Kažnjava se sa ne nastupanjem u trećem kolu i nastavlja sa takmičenjem u slijedećem kolu. Ova dva dobivena žuta kartona se ne uvode kao dobiveni crveni karton.

(3) CRVENIM KARTONOM /diskvalifikacija/ će se kazniti takmičar ukoliko krši:

- Član 10. stav 16
- Član 11. stav 1, 2, 3, 4.
- Član 12. stav 3.
- Član 30. stav 3 i 4.

(4) Verifikacijom crvenog kartona od strane žirija takmičenja, ili po žalbi, TK SRS BIH, znači automatski dobivanje maksimalnog broja negativnih bodova, plus 1 /jedan/, na tom kolu Spin lige BiH. Da li će nastaviti takmičenje u narednim kolima lige, nakon dobivenog crvenog kartona, zavisi od težine prekršaja po odluci Žirija ili Takmičarske komisije.

-

### Član 32.

(1) Sudijski kolegij verificira žute kartone, a žiri takmičenja verificuje crvene kartone.

### Član 33.

(1) Za nekorektno suđenje, startnom i sektorskom sudcu, se mogu izreći mjere opomene, isključiti sa tekućeg takmičenja, pa i zabrana suđenja, ako:

- Dopušta takmičaru remećenje pravila,
- Dopušta nekorektno kretanje po stazi,

- Dopušta ulazak u vodu za vrijeme takmičenja,
- Ako bez ulova takmičaru daje kupon i
- Ako komentira ili takmičarima govori o mamcima na koje se trenutno lovi na stazi,

#### Član 34.

(1) Kaznene mjere opomene izriče sektorski sudija startnom sudiji, a Glavni sudija sektorskom, a sve prekršaje diskvalifikacije, crvene kartone, verificira sudijski kolegij, a potvrđuje Takmičarska komisija SRS BiH, skladno Pravilniku o disciplinskoj odgovornosti učesnika takmičenja, kojim su regulisani prava i obaveze svih učesnika na jednom takmičenju.

(2) Skladno odredbama Pravilnika o disciplinskoj odgovornosti u prvostepenom postupku žalbe o povredi Pravilnika, podnose se Takmičarskoj komisiji SRS BiH, a ako se radi o žalbi vezano za rad sudija, koji su povrijedili odredbe ovog Pravilnika, žalbe se u prvostepenom postupku podnose Sudijskoj komisiji SRS BiH. U drugostepenom postupku žalbe na odluke Komisija iz prvostepenog postupka podnose se Upravnom odboru SRS BiH, čija je odluka konačna i na nju niko nema pravo žalbe.

#### Član 35.

(1) Delegat i Glavni sudija takmičenja, su dužni ovjerene dnevnik takmičenja i izvještaje o provedenom takmičenju dostaviti u kancelariju SRS BiH u roku od 5 /pet/ dana, po završetku istog.

### PRELAZNE I ZAVRŠNE ODREDBE

#### Član 36.

(1) Sastavni dio ovog Pravilnika su i neophodni unificirani dokumenti:

- Prijavni list-Prijava za takmičenje - SPIN-01
- Dnevnik takmičenja - SPIN-2
- Zbirni dnevnik po kolima lige - SPIN-3
- Tabela izlazaka - SPIN-4
- Dnevnik po rundama - SPIN-5
- Izvještaj Glavnogsudije takmičenja - SPIN-6
- Izvještaj Delegata takmičenja - SPIN-7
- Dnevnik o prikupljanju pristupnine-članarine licenciranja takmičara za tekuću godinu, takmičarske knjižice – SPIN 8

(2) Dokument SPIN-8-A utvrđuje finansijska komisija SRS BiH i on je obavezan da se primjenjuje u obliku kako je za svaku godinu propisan, a mora se dostavljati, u Kancelariju SRS BiH. Za izradu i dostavljanje Izvještaja (SPIN-8) odgovoran je Komesar lige, a dokument za svako kolo mora da ovjeri Delegat na takmičenju.

#### Član 37.

(1) Komesar lige za svako kolo dužan je Kancelariji SRS BiH dostaviti Dnevnik takmičenja kraći pismeni izvještaj sa održanog takmičenja u roku od 5 (pet) dana, a isto proslijediti administratoru WEB SITE u roku od 24 sata E-mailom uz dodatna obrazloženja eventualne slike sa takmičenja, radi objave na WEB SITE i FACEBOOK profilu SRS BiH,

#### Član 38.

(1) uslove i izbor nastupa reprezentacije na međunarodnim natjecanjima utvrđuje UO SRS BiH, na temelju utvrđenih kriterija i prioriteta.

(2) Ovaj Pravilnik, kao i svi dokumenti za provođenje spin takmičenja, će biti besplatno, a ako budu ostvareni uslovi biti će štampan u formatu A5 potreban broj primjeraka.

#### Član 39.

(1) SPIN LIGA BIH u cilju popularizacije lige može imati i svoj vlastiti LOGO znak, koji se obavezno koristi sa LOGO ZNAKOM SRS BiH, te svoj poseban FACEBOOK PROFIL u cilju popularizacije ovog vida takmičenja.

#### Član 40.

(1) Tumačenje ovog Pravilnika, daje i vrši Takmičarska komisija SRS BiH, a za vrijeme takmičenja službene osobe, Delegat, Komesar lige i Glavni sudija.

#### Član 41.

(1) Pravilnik stupa na snagu danom donošenja i bit će objavljen u službenim glasilima SRS BiH. Danom donošenja prestaje važiti Pravilnik broj:01-071/14 od 15.02.2014.godine.

Sarajevo, 15.03.2019.godine

Broj; 159/19

PREDSJEDNIK UPRAVNOG ODBORA

SRS BIH Danijel Kobačić